

**Aningaasarsianit akileraarutit pillugit Inatsisartut Inatsisissaata
allanngortinneqarneranik Inatsisartut inatsisissaattut siunnersuut**
*Aningaasaqarnermut Nunanilu Avannarlerni Suleqatigiinnermut Naalakkersuisumit
saqqummiunneqartoq*

pillugu

Akilaartarnermut Akitsuusiisarnermullu Ataatsimiititaliap

ISUMALIUTISSIISSUTAA

Siunnersuutip aappassaaneerpeqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Niels Thomsen, Demokraatit, siulittaasoq
Inatsisartunut ilaasortaq Harald Bianco, Inuit Ataqtigiit, siulittaasup tullia
Inatsisartunut ilaasortaq Kaali Olsen, Inuit Ataqtigiit
Inatsisartunut ilaasortaq Karl Lyberth, Siumut
Inatsisartunut ilaasortaq Aleqa Hammond, Siumut

UKA 2010-mi ulloq 30. september 2010-mi siullermeerinerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Siunnersuut aningaasarsianit akileraarutit pillugit Inatsisartut inatsisaata allanngortinneranik siunnersuutininik arlalinnik imaqarpoq:

A. Suliartoqquneqarsinnaanermut atatillugu akileraarutaasussaangitsunik biileqartitaaneq

Ukiaanerani 2009-mi Inatsisartut ataatsimiinneranni Akilaartarnermut Akitsuusiisarnermullu Ataatsimiititaliap Naalakkersuisut misissueqquai suliffinni akeqanngitsumik biileqartitaanermi malittarisassat allanngortinneqarsinnaanersut, taamaaliornikkut pinngitsoortinneqarsinnaammat suliffeqarfiit akileraanngitsoornissaq anguniarlugu suliartoqquneqarsinnaanermut aaqqissukkamik pilersaarusiortarnerit. Inatsisissatut siunnersuummi, sulisilluni suliartoqquneqarsinnaanermut atatillugu suliffiup biiliinik, biilinillu immikkuullarissunik ingerlatsisartut pitsaanerusumik aaqqissuussivigineqarnissaat anguniarneqarpoq.

B. Nalikilliliisarnermi malittarisassanik erseqqarissaaneq

Ingerlatseqatigiiffiit killilimmik akileraartussaataitasut nalikilliliisarnerat aningaasarsianit akileraartarneq pillugu inatsimmi § 22-mi aamma ilanngunneqarmat siunnersuummi erseqqissaatigineqarpoq.

C. Akuersissutininik nalikillilinerit

Siunnersuummi akuersissutininik pigisaqalernermi kulbrintisiornermi ukiut 10-t aatsitassarsiornermilu ukiut 4-t ingerlanerini ukiumoortumik atsikkutigiissaartunik nalikilliliisoqartassasoq siunnersuutigineqarpoq.

D. Suliffeqarfiit killilimmik akileraartussaataitasut allanngortiternerit

Suliffeqarfiit Kalaallit Nunaanni angerlarsimaffeqartut, taamaalilluni nunatsinni tamakkiisumik akileraartartut suliffeqarfimmik aaqqissuussaanerata allanngortinnerani tunineraniluunniit suliffeqarfittut killilimmik akileraartussaataitasut, aningaasarsianit akileraarutit pillugit inatsimmi § 2, imm. 2 malillugu akileraartalernissaat siunnersuutigineqarpoq.

E. Akuersissutit ilaannik tunisinerit ("farm out")

Akuersissummik tunisinerup nalaani akileraartarnermi isertitat aningaasartuutillu piffissami ataatsimi nalunaarsorneranni, siunissami aatsitassanik ujarlernissami akuersissummik pisisoq, tunisisup piginneqataassutaasa sinnerinut akiligassaraluinik akiliisassasoq siunnersuutigineqarpoq.

F. Avataanit suliarortut akileraartarnikkut inissisimanerat

Avataanit suliarortut illoqarfiit nunaqarfillu avataanni sulinerminni akissarsiaasa akileraarutitaat Nunatta Karsianut nakkartinneqartassasut siunnersuutigineqarpoq. Suliffeqarfimmi sulisoq Inatsisartut aatsitassanik misissueqqaarnernik, ujarlernernik piiaanissamullu inatsisaat malillugu akuersissuteqartumik, imaluunniit Inatsisartut inatsisaat malillugit aatsitassanik avammut tuniniaasinnaanermut, qaammatillu arfinillit kingullit nunatsinni kommunimut akileraartarsimangitsoq kommunimut najugaqarfigisaminut akileraartassasoq aammattaaq siunnersuutigineqarpoq.

G. Tamakkiisumik akileraaruteqarneq

Nunap ilaani aatsitassarsiorfiusuni illoqarfiit nunaqarfillu avataanni sanaartornermik suliaqartut nunami allamiut tamakkiisumik akileraaruteqartitaanissaat siunnersuutigineqarpoq. Sulisunut taakkununga akileraartarnermi sullissineq ajornannginnerulersinniarlugu tamakkiisumik akileraartarneq atulersinniarneqarpoq. Sulisoq isertitaminit tamakkiisunit 35 procentinik akileraartassasoq, sulisullu namminneq akissarsiami naatsorsornerisa inernerinik nalunaaruteqartassanngitsut pisariillisaanermi aallaavigineqarpoq. Akileraarutaasut naatsorsornerini inummut ilannga atilluunniit allat naatsorsuutigineqassanngillat.

H. Allanguinissat kingunerisassa

Tamatuma saniatigut kingunerisassat arlallit allanngortinneqarput.

Inatsisartut siunnersuummik siullermeerinninnerat

Inuit Ataqtigiit, Demokraatit aamma **Kattusseqatigiit Partiiata** siunnersuummi immikkoortut (A-H) tamaasa tapersersorpaat. Aatsitassarsiornerni isertitat nunatsinni innuttaasunut tamanut sapinngisamik annertunerpaamik iluaqutaanissaat ilaatigut pingaartinneqarpoq.

Siumut aamma **Atassut** taamatuttaaq immikkoortut A-E aamma H tapersersorpaat. Akerlianilli avataanit suliaartortut akileraarutitigut inissisimanerat pillugu immikkoortoq F aamma tamakkiisumik akileraarutit pillugit immikkoortoq G, pisuni inuussutissarsiornermi sanaartormermiluunniit suliniut illoqarfiup qanittuani pitillugu akileraarutinit iluanaarutit annertunerusumik kommunit pisariaqaraat aamma kalaallit nunallu allamiut assigimmik akileraartinneqartariaqarnerannik isiginninneq aallaavigalugu tapersersorneqanngilaq. Aammattaaq siunnersuutip aappassaaneerneqarnissaa UPA 2011-mut kinguartinneqassasoq **Siumup** siunnersuutigaa, taamaalilluni siunnersuut pisariaqarneratut sukumiisumik suliarineqarsinnaaqullugu, tamatumanilu ilaatigut kommunit KANUKOKA-llu peqataatinneqarnissaat pisariaqarluni.

Ataatsimiititaliap siunnersuummik suliarinninnera**Immikkoortoq F – avataanit suliaartortut akileraarutit pillugit inissisimanerat**

Siunnersuummut atatillugu ukiuni tulliuuttuni qularnanngilaq suliffeqarfissuit nunanit allaneersut Kalaallit Nunaanni aningaasaliinissaat, assersuutigalugu Alcoami pilersaarut, piffissami aalajangersimasumi ulapileruttorfimmi sulisussat avataaneersut sanaartormerni pinngitsoorneqarsinnaanngitsut Naalakkersuisut ilaatigut tunngavilersuutigaat. Maannakkorpiarlu Kalaallit Nunaanni uuliamik aatsitassanillu ujarlernerit soqutigineqaqaat. Uuliamik aatsitassanillu ujarlernissat, qalluinissanilu sulisussat avataaneersut immikkut ilinniagallit sulisorisariaqassapput. Avataanit suliaartortut nunatsinniinnerminni pisortanit killilimmik ikiorneqarnissaat naatsorsuutigisariaqarpoq, atorfissaqartitsilersinnaanerallu tassaassaaq Peqqinnissaqarfik; tassalu Nunatta Karsianit aningaasalersorneqartoq. Alcoallu sanaartormerani illuliortiternerni, atuarfiit, suliffeqarfissamut aqqusinriornermi suliasanik nammaqatigiinnermi agguataarinermilu aningaasartuutit Nunatta Karsianit aamattaaq aningaasalersorneqartussaapput, soorluli pilersarusiornermi aningaasartuutit akilersimagai. Nunatta Karsiata massakkut artukkerneqarsimanerani aningaasartuutit tamakku akilernissaannut periarfissarsiornissaq qulakkeerneqartariaqarpoq.

Malittarisassat atuuttut malillugit inuit akileraarutaasa 26 procentii Nunatta Karsianut, 74 procentillu missaat kommuninut pisassarititaapput. Taamatut nammaqatigiilluni suliasanik

agguataarineq Namminersorlutik Oqartussat kommunillu akunnerminni ikorfartoqatigiinnerannik ersersitsivoq. Qaammatini kingullerni arfinilinni Kalaallit Nunaanni sulereersimasut, kommuninullu akileraartarsimasut siunnersuummi ilanngunneqanngillat, pisarnerli malillugu akileraarutaat kommuninut Nunattalu Karsianut nakkartinneqartassallutik.

Siunnersuut akuersissutigineqarpat saniatigut isertitat tunngavigalugit sanaartukkani anginerusuni, assersuutigalugu aluminiumik aatsitsiviup imaluunniit aatsitassarsiorfiup pilersinnerani aningaasartuutit ilaat akilissallugit Nunatta Karsiata pisussaaffigilissagaa Ataatsimiititaliaq isumaqarpoq. Taamaalilluni pilersaarutit taamaattut pillugit kommunit Namminersorlutillu Oqartussat akornanni isumaqatigiissutissat oqimaqatigiissaarneqassasut allassimasariaqarpoq.

Immikkoortoq G – Tamakkiisumik akileraaruteqarneq

Tamakkiisumik akileraartarneq atulersinniarneqarpoq nunap ilaani aatsitassarsiorfiusuni illoqarfiit nunaqarfillu avataanni sanaartornermik imaluunniit aatsitassarsiornermik piffissap ilaani suliaqartut pillugit akileraartarnermik suliaqarneq ajornannginnerulersinniarlugu. Pisariillisaaneq aallaaveqarpoq sulisoq isertitaminit tamakkiisunit 35 procentinik akilerartarnissaa, sulisullu namminneq akissarsiami naatsorsornerisa inernerinik siumoortumik nalunaaruteqartassanngillat. Akileraarutaasut naatsorsornerini inummut ilannga at ilannga atilluunniit allat naatsorsuutigineqassanngillat. Akileraartitsisarnermi assigiinnisitsinissamik siunnersuutip kingunerisassai siullermeerinninnermi isumakuluutigineqarput. Taamaattumik siunnersuutip suliarinissaanut tunngatillugu malittarisassat malillugit nunaqavissut akileraartinneqartarnerisa aamma tamakkiisumik akileraartitsisarneq malillugu akileraartussaataasut sanilliuteqqullugit Ataatsimiititaliap Naalakkersuisut qinnuigai. Naalakkersuisut akissutaat ilanngussaq 1-imi atuarneqarsinnaavoq.

Kommunini 42 procentinik akileraarfiusuni tamakkiisumik akileraaruteqartarnissami 35 procent tagginneqarpoq. Akileraartartoq ukiumut 300.000 kr.-inik isertitaqartartoq kommunimut 42 procentinik akileraartitsisartumut 33,88 procentinik akileraartassaaq. Taamatut akissarsiallip ilannga atigisinnaavai pensiuunisiaqalernissamit ileqqaakkanut akiliutit, ernianut ani-ngaasartuutit il.il. Tamatumunnga peqatigitillugu akileraartartup tamakkiisumik akileraartussaataasup akileraartitseriaatsimi ilannga atinut periarfissat iluaqutigisinnaanngilai. Aammattaq nalinginnaasumik akileraartartup inuiaqatigiinni kiffartuussinerit, soorlu atuarfiit, paaqqinnittarfiit, inunnik isumaginninnerit allalu annerusumik minnerusumilluunniit atorsinnaavai, tamakkiisumillu akileraaruteqartartup qaqtuguinnaq pisariaqartissavai. Nalinginnaasumik akileraartartup inuiaqatigiinni kiffartuussinerit, soorlu atuarfiit, paaqqinnittarfiit, inunnik isumaginninnerit allalu iluaqutigisinnaavai, tamakkiisumillu akileraaruteqartartup qaqtuguinnaq pisariaqartissavai.

Ataatsimiititaliaq siunnersuummik suliarinninnermini siunnersuummi pissutsit arlallit itisilertinniarlugit Aningaasaqarnermut Naalakkersuisoq aggersarlugu apersorneqassasoq aalajangerpoq. Tamatumani ataatsimiititaliap apeqqutai Naalakkersuisullu akissutai ilangussaq 2-mi atuarneqarsinnaapput.

Aningaasaliissutinik tunniusseqqinnermi akileraannginnissaq

Aningaasaliissutinik tunniusseqqinneq pillugu allannguutissatut siunnersuummik Naalakkersuisut aappassaaneerinissamut saqqummiussaaput.

Aningaasarsianit akileraarutit pillugit inatsimmi § 86, imm. 2 malillugu suulluunniit aktiaatilinnut iluanaarutitut pisassanngortinneqartut tamarmik iluanaarutisiatut isigineqarput, aktialli akilersinnagit aktiaatilinnut tunniunneqartut aammalu akiliisinnaajunnaarnermi pigisat aningaasannorlugit naatsorsorneranni iluanaarutit pinnagit. Maannakkut killiffigisami aatsitassalerinermi ineriartortitsinermut aningaasaliissutit amerlanersaat nunami allamiut aningaasaataannit pisuutillugit aningaasaliisuusunut nammaginangitsorinarsinnaavoq, aningaasat Kalaallit Nunaanni selskabiutigisamut aningaasaliinertigut pinngortut iluanaarutisianit akileraaruteqartitaanissaat. Pissutsit taamaattut aningaasaliisut Kalaallit Nunaanni aatsitassanik misissueqqaarnissamik, misissuinissamik piaanissamilluunniit aallartitsinissanik soqutiginninnerannik millisaataasinnaanissaat ilimagineqarsinnaassaaq.

Allannguutissatut siunnersuutip siunertaraa selskabit aatsitassalerinermik ingerlataqartut aningaasaliissutaasa iluanaarutisianit akileraarutinik akiliissutaasannnginnissaat.

Maannakkut ilisimasat tunngavigalugit siunnersuutip aningaasatigut kingunerisassai eqqoriarneqarsinnaanngillat, ataatsimulli isiginnilluni naatsorsuutigisariaqarpoq Kalaallit Nunaanni aatsitassanik misissueqqaarnernut, misissuinernut imaluunniit piaanernut aningaasaliissutit amerleriarsinnaanerisa kingunerisaannik, iluanaarutaasumik kinguneqarnissaa.

Ataatsimiititaliap inassuteqaatai

Ataatsimiititaliami amerlanerussuteqartut Inuit Ataqtiginneersut Demokraatineersullu siunnersuut pillugu ima oqaaseqaarumapput:

Naalakkersuisup akissutai ataatsimiititaliami amerlanerussutillit tusaatissatut tiguaat. Akileraartarneq pillugu inatsit siunnersuutikkut pisariaqalinnik arlalinnik iluarsiivigineqarpoq. Avataanit suliarortut akileraartarnikkut inissisimanerisa aamma tamakkiisumik akileraartitsisarneq pillugit siunnersuutikkut naleqquttumik qulakkeerneqarput, ilaatigut sullissinerup qaffasissusia naleqquttoq ingerlatiinnarneqarsinnaaqqullugu Nunatta Karsiata isertitattariaqagai ilaatigullu avataanit suliarortut akileraartinneqartarnerat oqimaaqatigiissaakkamik pisariitsumillu allaffissuutiginnissaat eqqarsaatigalugit. Aammattaaq allannguutissatut siunnersuummut

nassiunneqartumut Naalakkersuisut tunngavilersuutaat ataatsimiititaliami amerlanerussuteqartunit tusaatissatut tiguneqarput.

Tamanna tunngavigalugu allannguutissatut siunnersuut akuersissutigineqassasoq ataatsimiititaliami amerlanerussuteqartut siuliani taaneqartut inassutigaat.

Ataatsimiititaliami ikinnerussuteqartut Siumumeersut siunnersuut pillugu ima oqaaseqarumapput:

Siunnersuutip immikkoortuata ilaa akeqanngitsumik biileqartitaanermut, nalikilliliisarnermi malittarisassat erseqqissaatiginerannut, akuersissutit nalikillilerneqartarnerannut, suliffeqarfiit killilimmik akileraartussaataitasut allanngortiternerannut aamma akuersissutit ilaannik tunisisarnermut tunngasoq ikinnerusutillit tapersorsorpaat. Akerlianilli siunnersuutip immikkoortuata ilaa avataanit suliertortut akileraartarnikkut inissisimanerannut aamma tamakkiisumik akileraaruteqarnermut tunngasut ilumittut iluseqartillugit akuerineqassanngitsut ikinnerussuteqartut isumaqarput.

Aningaasarsianit akileraarutit pillugit Inatsisartut inatsisaata allanngortinneqarneranik inatsisartut inatsisissaattut siunnersuut saqqummiunneqartoq pissutsinut pioreersunut annertuumik imaannaanngitsunillu allannguisussaavoq. Pissutsinut atuuttunut annertuumik imaannaanngitsumillu allannguutissat pineqartillugit pingaaruteqarluinnarpoq sukumiisumik pimoorulluinnarlugulu allannguutissat suliarineqarnissaat. Taamatuttaaq pingaartigivoq allannguiniarnerni assigiinngitsuni kalluarneqartussat, eqqorneqartussat paaseqatigilluinnarlugit sulianik ingerlatsinissaq.

Naalakkersuisunit siunnersuutigineqartoq Siumumiit annertuumik apeqqusigarput, taamatullu isikkoqartillugu akuerisinnaanngisarput tassaavoq sulisunut avataanit takkuttunut, kommunit avaqqullugit, nunatta karsianut tamakkiisumik akileraartitsisalerneq. Sulisut avataanit suliertortut tamakkiisumik nunatta karsianut 35%-imik akileraartalernissamik siunnersuummut KANUKOKA-p kommunillu sakkortuumik qisuariaateqarnerat ernumratsannerallu Siumumiit paasilluarsinnaavarput.

Siumumiit isumaqarluinnarpugut Naalakkersuisut siunnersuutaat piviusunngortinneqassagaluarpat kommunit nammineersinnaanerit kalluarneqassasoq, kommunit tunngaviumik pisinnaatitaaffii mangiarneqassasut, kiisalu kommunit aningaasaqarnerisa ajorseriarneranik annertuumik kinguneqassasoq kommunit ineriartortitsinissamut nukissaarunnerinik kinguneqartumik.

Siumumi annilaangassutiginnngitsuunngilarput inatsisinut allannguutissatut siunnersuutit kingunerissagaa sulisartut nunaqavissut avataaniillu sulisartut assigiinngitsunik atugaqaleneri. Tassa suliffeqarfimmi ataatsimi sulisartut assigiimmik suliaqartut akornanni assigiinngisitsineq atulissasoq. Siumumi ilanngullugu uparuarusupparput nunatsinni

nunaqavissut sulisartut suliffissuarni pilersussani tunulluutinneqarsinnaanerit annilaangassutigigatsiguttaaq.

Siumumi annertuumik apeqqusikkatta ilagivaat inatsisinut allannguutissat siunnersuutit malitsiginaviannigikkaat allaffissornerup oqilisaavigneqarnissaa.

Aallarniitsinni oqareernitsit Siumumiit pingaarluinnartut isigaarput inatsisinik annertuumik nutarterilluni allannguiniarni kalluarneqartussat eqqorneqartussallu paaseqatigilluinnarlugit qanimut suleqatiginissaat. Taamaattumik Siumumiit siunnersuutigissavarput aningaasarsianit akileraarutit pillugit inatsimmut allannguutissat siunnersuutip pingajussaaneerneqarnissaa upernaamut kinguartinneqassasoq.

Siunnersuutip pingajussaaneerneqarnissaata upernaamut kinguartinneqarnissaanut siunnersuuteqarnitsinni pingaarluinnartut immikkut taarusupparput pingaaruteqarlunnarmat KANUKOKA kommunillu ataqqillugit paaseqatigilluinnarlugillu inatsisinut allannguutissap suliarineqarnissaa pisariaqarmat minnerunngitsumillu uagut Inatsisartuusugut inatsimmik taamatut pisariutigisumik allannguinemillu annertuumik kinguneqartussamik suliaqartilluta naammattumik piffissaqarluta sulinissarput pingaaruteqarlunnarmat.

Aningaasaliissutinik tunniusseqqinnermi akileraannginnissamut siunnersuummut tunngatillugu Siumumiit oqaatigissavarput allannguutissat siunnersuut akuerisinnaanngilluinnaratsigu!

Siunnersuutimmi kingunerissavaa suliffeqarfiit nunanit allaneersut nunaqavissunut sanilliullugit akileraarutitigut pitsaanerujussuarnik atugaqartitaalernissaat. Taamaalilluni assigiinngisitsineq aamma tassuuna eqqunneqarluni, suliffeqarfiit nunatsinni najugaqavissut allamiunut sanilliullugu ajornerusumik atugaqalernerinik kinguneqartumik.

Akerlianik Siumumiit isumaqarpugut suliffeqarfiit nunanit allaneersut nunatsinni aatsitassarsiornissamik soqutigisaqartut tamarluinnarmik nunatta aningaasaqarneranut iluaqutaanerulernissaat maannakkut qulakkeerneqarniartariaqalersoq.

Aatsitassarsiorneq eqqarsaatigalugu nunatta soqutigineqarlunnalersimanera atorluartariaqarparput nunatta karsiata imaarussimasup immernissaanut.

Aatsitassarsiorniartutik nunatsinnut isertut aallaqqaaterpiaanit malunnaateqarluartumik akiliisalernissaannik piumaffigineqartalertariaqarput, taamaalilluta nunatsinnut atuisut tamarmik nunatta aningaasaqarneranut kivitseqataanissaat qulakkeerniarlugu.

Tamanna tunngavigalugu siunnersuut itigartinneqassasoq **ataatsimiititaliami ikinnerussuteqartut siuliani taaneqartut inassutigaat.**


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Niels Thomsen, Siulittaasoq




Harald Bianco



Kaali Olsen



Karl Lyberth



Aleqa Hammond

Kommuneqarfik Sermersuumi najugalik 42 pct.-eertarluni. Allaammi akileraartartuni kommunimi ataatsimi najugalinni assigiinngissuteqartoqarsinnaavoq, taakku namminerisamik aningaasaqarnerminnik qanoq aaqqiismanerat apeqqutaalluni.

Assigiinngissutit tamakku ukiut ingerlanerini sungiutiinnarsimavagut, allaammi pissusisamisuuqinnartutut isigigunarlugit.

Ilanngaateqartitsinani akileraartarnermik aaqqissuussinerup immikkoortiginngilaa suli-sorisat marluk akileraarutit ilanngaatigineqareerneranni akissarsiat tigusartagaasa assigiinngissinnaanerat. Tamanna suliffeqarfinni tamarluinnarni atuutereerpoq.

Immikkoorutaa tassaavoq akileraartarnermik aaqqissuussinerup sulisunut avataaneersunut aalajangersimasunut atuuttussaanera. Aaqqissuussinerup taassuma sulisut avataaneersut sulisunit nunaqavissunit aningaasatigut pitsaanerumik ajornerusumilluunniit inissisimalersissanerai pissutsinit taaneqareersunit aalajangerneqassaaq, tassa akissarsiat annertussusiinit akileraartartullu pineqartut namminerisamik aningaasaqarnerminnik qanoq aaqqiismanerannit.

Aammalumi eqqaamaneqartariaqarpoq sullissinerit pisortanit neqeroortigineqartut, soorlu ulluunerani paaqqinnittarfiit, atuarfiit, utoqqaat angerlarsimaffii, peqqinnissaqarfik, ineqarneq ilaallu ilanngullugit sulisunit nunaqavissunit atugaanerat sulisut avataaneersut atuinerannit annertunerujussuussammat.

Siunnersuutikkut siunertaanngilaq sulisut nunaqavissut immikkoortinneqarnissaat, avataaneersunullu sanilliullugit aningaasaqarnikkut ajornerusumik pineqarnissaat, imaluunniit paarlattuanik sulisut avataaneersut sulisunut nunaqavissunut sanilliullugit aningaasatigut ajornerusumik pineqarnissaat.

Ilanngaateqartitsinanili akileraartitsinermik aaqqissuussinerup qulakkeereqataaffigissavaa sulisut avataaneersut akileraartinneqarnerisa pisariitsumik taamatullu aamma pissusiviusunut naapertuunnerpaamik akileraartinneqarnissaat.

Kalaallit Nunaanni akileraartarnermik aaqqissuussinerup tunngavigaa akileraartartut ataasiakkaat aningaasarsiaasa akileraaruteqaataasussat naatsorsorneqarnissaat. Akileraartartunut qaammatini arfinilinni sivisunerusumiluunniit Kalaallit Nunaanniittunut (tamakkiisumik akileraartussaataitaasunut) tunngatillugu imaappoq taakkua aningaasarsiaat suulluunniit tamakkerlugit naatsorsorneqassasut, tassa nunarsuarmi sumiluunniit pisu-neri apeqqutaatinnagit, matumani soorlu ilanngullugit aningaaserivinni nunani allaniittuni erniatigut isertitat aamma ernianut aningaasartuutit, nunani allani soraarnerussutisiaqalernissamat aaqqissuussinerit iluanaarutit il.il.

Sulisut avataaneersut amerlanersaasa nunani, Kalaallit Nunaata akileraartarnikkut isumaqatigiissuteqarfinginngisaani najugaqartuunissaat qularnanngilaq, tamannalu pissutigalugu akileraaruseriffiup avataaneersut akileraartarnikkut atugaat pillugit, pineqartut nunaanni akileraartarnermut oqartussaasunit ikiorneqarsinnaanissaa periarfissaqassanngilaq.

Taamaattoqartillugu aningaasarsiat akileraaruteqaataasussat tunngaviannik, taamatullu aamma akileraarutissat eqqortumik angissusilerneqarnerannik akileraaruseriffiup misissuinissaa ajornakusoortorujussuussaaq.

Aammalu sulisorisat pineqartut piffissani, nammineerluni nalunaarsuiffiit nassiussorneqarfiini utertinneqarfissaannilu, nammineerluni nalunaarsukkat misissorneqarnerannut atatillugu uppersaatiit qinnutigineqarfiini, inaarutaasumik naatsorsukkat nassiussorneqarfiini, akileraarutinut tapiutissat akilersinniarneqarfiini imaluunniit akileraarutit sippuutaasa tunniunneqarfiini Kalaallit Nunaata avataaniikkajuttartussaapput. Assersuutigalugu akileraartartumut ataatsimut Canadami najugaqartumut akileraarutit sippuutaannik tunniussinissamut atatillugu aningaaserivimmumut akiliutit, suliamut atatillugu piffissap atukkap il.il. pinerit tamaasa 2.500 kr.-it missinginik akeqartarnissaa Akileraartarnermut Aqutsisoqarfiup missiliuuppaa.

Ilaatigut Nalunaq Goldmine-imut tunngatillugu misilittakkat takutippaat akileraaruseriffiup akileraartartunut Kalaallit Nunaata avataaniittunut saaffiginnissutaasa amerlasuutigut taakkunanga akineqartannginnerat ajornartorsiutaasartoq. Akileraaruseriffiup akileraartartunut taakkunanga attaveqarniarluni piffissarujussuaq atortariaqartassavaa, pingaartumik uppersaatinik qinunermut, akileraarutit sippuutaannik tunniussinissamut akileraarutinullu tapiutissanik akiliisitsiniarnissamut atatillugu. Suliassat tamakku ilarpassui ilanngaateqartitsinani akileraartarnermik aaqqissuussinikkut pisariaarutissapput.

Aamma akileraartartumut nunamit allameersumut iluaqutaasorujussuussaaq Kalaallit Nunaanni akileraartarnermik aaqqissuussinermi maleruagassanik paasiniaanermut mallinniniarnermullu piffissamik nukinnillu atuinnginnissaaq.

Kalaallit Nunaanni akileraartarnikkut suliassat isumagineqarnissaannut atugassarititaasut eqqarsaatigalugit naleqqunnerusorinarpoq inatsisit piviusunut nalimmassarneqarnissaat, aaqqissuussineq pissusiviusunut naleqqutinngilluinnartoq aalajangiusimaniaannar-nagu.

2. Ataatsimiititaliap kissaatigaa ilanngaateqartitsinani akileraartitsinermi procentip 35-usup toqqarneqarnera Naalakkersuisunit itisilerneqassasoq tunngavilersorneqassasorlu.

Ilanngaateqartitsinani akileraartitsinermi procentip 35-usup toqqarneqarneratigut sulisut nunaqavissut amerlanerpaartaasa sulisunit avataaneersunit akileraartarnikkut ajornerusumik (malunnaatilimmik) pineqannginnissaat qulakkeerniarneqarpoq.

Tassunga aallaavigineqarpoq maannakkut imaammat akileraartartut 86 procentiisa misisingi aningaasarsiaqarmata akileraaruteqaataasussanik 350.000 kr.-inik taakkuninngaluunniit minnerusunik, 14 procentingajaalu 350.000 kr.-it sinnerlugit aningaasarsiaqarlutik akileraaruteqaataasussanik.

3. Ilaatigut aluminiumik aatsitsiviliornissamut atatillugu ilaatigullu uuliasiornermut/aatsitassarsiornermut atatillugu sulisut avataaneersut aningaasarsiaasa qanoq agguarsimanissaat Naalakkersuisut paasissutissaateqartinnerlugu?

Aatsitassarsiorfinni maannamut misilittagaasut takutippaat sulisuusut agguaqatigiissillugu tamarmik ukiumut 250.000-350.000 kr.-inik aningaasarsiaqartut.

Sulisuusut ilaat (pisortat immikkullu suliallit) qaffasingaatsiartunik aningaasarsiaqarsimapput (800.000 kr.-inik qaffasinnerusunilluunniit), ilaalli taamatorsuaq qaffasitsiginngitsunik.

Aningaasarsiat taakku sulisunut nunaqavissunut avataaneersunullu eqqoqqissaartumik agguataarneqarsinnaanngillat, sulisummi ilaat ilaatigut aatsitassarsiorfinni najugaqartut inuit allattorsimaffianni nalunaarsimasarmata.

Uuliasiornerup aluminiumillu suliaqarnerup iluanni akissarsiat qanoq annertutigineri maannangaq erseqqissumik oqaatigineqarsinnaanngillat.

4. Ilanngaateqartitsinani akileraartitsisoqassappat procentip soorlu 38 procentimut qaffanneqarsinnaanera Naalakkersuisut periarfissaqarsorinerlugu. Taamaaliornissap kingunerisinnaasai suunersut oqaatigineqarsinnaanerlutik?

Ilanngaateqartitsinani akileraartitsinermi procentip 38-mik angissusilerneratigut kingunerisinnaasaasa suuneri maannakkorpiaq takussutissaatigineqanngillat allanilluunniit paassutissaateqartoqarani.

Ilanngaateqartitsinani akileraartitsinermi procentip 38-usup naligaa akileraartartup Sisi-miuni najugaqartup malerugassat nalinginnaasut malillugit akileraartinneqartup akileraaruteqaataasussanik aningaasarsiaqarnera 609.000 kr.-inik (akissarsiat naligiiffiat), akileraartartulli iluissani najugaqartup naligiiffik taanna angussallugu akileraaruteqaataasussanik aningaasarsiaqaruni 425.000 kr.-inik.

Akileraartitsinerup sunniutai pillugit ilanngussaq ilanngunneqartoq innersuussutigineqarpoq.

5. Akissarsiat naligiiffiannik naatsorsuineri akileraarutitigut ilanngaait ilanngutinnginnerisigut sunniutissat suuneri Naalakkersuisut oqaatigisinnaavaat?

Kisitsisini ataniittuni takuneqarsinnaavoq 300.000 kr.-it sinnerlugit aningaasarsialinnut tunngatillugu akileraarutitigut ilanngaait ilanngaammit aalajangersimasumit qaffasinnerusut. Akileraartartumut nalinginnaalluinnartumut 300.000 kr.-it sinnerlugit aningaasarsialimmut tunngatillugu akileraarutitigut ilanngaait ilanngutinnginneqarnissaasa kingunerissavaat akissarsiat naligiiffiata qaffasinnerulernera.

Assigiinngitsunik aningaasarsiallit agguaqatigiissillugit ilanngaataasa agguataarnerat

Kr.-it inummut ataatsimut	300.000 400.000 500.000 600.000							
	100.000 < X ≤ 200.000	200.000 < X ≤ 300.000	300.000 < X ≤ 400.000	400.000 < X ≤ 500.000	500.000 < X ≤ 600.000	600.000 < X ≤ 700.000	700.000 < X	700.000 < X
Ernianut aningaasartuutit > 0	1.405	3.153	8.124	14.794	18.919	26.538	27.365	50.583
Ilanngaait allat (soraarnerussutisiaqalernissamut akilersuutit, qitornanut akilersuutit, kattuffimmut il.il.) > 0	18.131	14.365	11.312	10.256	9.611	11.856	13.732	27.774

Akilaraartitigut ilan-
ngaatit tamarmiusut
agguaqatigiissillugit

1.727 3.979 9.841 17.105 21.849 30.158 32.354 61.058

6. *Sulisunik avataaneersunik ilanngaateqartitsinani akileraartitsinissamik aamma akileraartarnikkut sumut atanissamik siunnersuut agguataarinermi tassani qanoq sunniuteqarpa?*

Isumaqatigiinniarnert suli ingerlanneqarmata erseqqinnerusumik eqqartornissaat eqqortuussanngilaq.

Landskarsilli aningaasaqarniarnerata ilungersunartuunera pissutigalugu qularutissaanngilluinnarpoq Namminersorlutik Oqartussat aluminiumik aatsitsivilioroqassappat suliassanik isumaginnissinnaanissaat killilerujussuussasoq, tassa sanaartukkamut atatillugu akilaraartitigut isertitassat annertunersaat landskarsimut tutsinneqassanngippata. Tamannarpiaavorlu maleruagassat siunnersuutigineqartut siunertaat.

7. *Sulisunik avataaneersunik ilanngaateqartitsinani akileraartitsinissamik siunnersuut aamma akileraartarnikkut sumut atanissamik siunnersuut siunissami sanaartugassat anginerit agguataarneqarnissaannut sunniuteqassappat?*

Sanaartugassat anginerit agguataarneqarnissaannut sunniutissat eqqoqqissaartut maannangaaq aalajangersassallugit siusippallaarpoq. Qularnaatsorli tassaavoq landskarsip suliassanut taamaattunut aningaasartuutissanut annertunerusumik matussusiisnaanissaata allannguutitigut periarfissinneqarnissaa.

Aluminiumik aatsitsiviliorinissamisullu aamma suliassani aalajangersimasuni agguataarinissat kommunip Namminersorlutillu Oqartussat kiisalu, ilaatigut suliffeqarfiup sanaartugassamik aningaasalersuerusuttup akornanni isumaqatigiinniarnert sukumiinerusut apeqquataassagunarpot.

AKILERAARTARNERMUT AQUTSISOQARFIK

Den 14. oktober 2010

Maleruagassat atuuttut naapertorlugit 42%-imik 44%-imillu akileraartitsinerup sunniutai ilanngaateqartitsinani 38%-imik akileraartitsinerup sanilliullugit

		Maleruagassat atuuttut		Ilanngaateqartitsinani akileraartitsinerup		
Inummut ilanngaat		48.000 kr.		0 kr.		
Ilanngaat aalajangersimasooq		10.000 kr.		0 kr.		
Pct.-i akileraarutissaq		Sermeersoq		Qaasuitsup		
Ilanngaateqarani akileraarut		42%		44%		
38%						
Aningaasarsiat kr.	Akileraarut	Akileraarutip	Akileraarut	Akileraarutip	Akileraarut	Akileraarutip
	kr.	pct.-inngorlugu	kr.	pct.-inngorlugu	kr.	pct.-inngorlugu
		sunniutaa		sunniutaa		sunniutaa
10.000	3.800	38,00%	0	0,00%	0	0,00%
20.000	7.600	38,00%	0	0,00%	0	0,00%
30.000	11.400	38,00%	0	0,00%	0	0,00%
40.000	15.200	38,00%	0	0,00%	0	0,00%
50.000	19.000	38,00%	0	0,00%	0	0,00%
60.000	22.800	38,00%	840	1,40%	880	1,47%
70.000	26.600	38,00%	5.040	7,20%	5.280	7,54%
80.000	30.400	38,00%	9.240	11,55%	9.680	12,10%
90.000	34.200	38,00%	13.440	14,93%	14.080	15,64%
100.000	38.000	38,00%	17.640	17,64%	18.480	18,48%
150.000	57.000	38,00%	38.640	25,76%	40.480	26,99%
200.000	76.000	38,00%	59.640	29,82%	62.480	31,24%
250.000	95.000	38,00%	80.640	32,26%	84.480	33,79%
300.000	114.000	38,00%	101.640	33,88%	106.480	35,49%
350.000	133.000	38,00%	122.640	35,04%	128.480	36,71%
400.000	152.000	38,00%	143.640	35,91%	150.480	37,62%
425.000	161.500	38,00%	154.140	36,27%	161.480	38,00%
450.000	171.000	38,00%	164.640	36,59%	172.480	38,33%
500.000	190.000	38,00%	185.640	37,13%	194.480	38,90%
550.000	209.000	38,00%	206.640	37,57%	216.480	39,36%
600.000	228.000	38,00%	227.640	37,94%	238.480	39,75%
609.000	231.420	38,00%	231.420	38,00%	242.440	39,81%
650.000	247.000	38,00%	248.640	38,25%	260.480	40,07%
700.000	266.000	38,00%	269.640	38,52%	282.480	40,35%
750.000	285.000	38,00%	290.640	38,75%	304.480	40,60%
800.000	304.000	38,00%	311.640	38,96%	326.480	40,81%
850.000	323.000	38,00%	332.640	39,13%	348.480	41,00%
900.000	342.000	38,00%	353.640	39,29%	370.480	41,16%
950.000	361.000	38,00%	374.640	39,44%	392.480	41,31%
1.000.000	380.000	38,00%	395.640	39,56%	414.480	41,45%

Taassuma saniatigut inuit nalinginnaasumik akileraartussaataasut ilanngaammit aalajangersimasumit anginerusunik ilanngaateqartitsinani akileraarutitigut ilanngaateqarsinnaapput, soorlu inigisamik, biilnik, angallammik assigisaannillu pisinerup ernianut aningaasartuutit.

Taamatuttaaq soraarnerussutisiaqalernissamut aaqjissuussinerit sulisitsisut akiligaat akileraaruserneqarneq ajorput, kiisalu soraarnerussutisiaqalernissamut aaqjissuussinerup aalajangersimasunut nammineerluni akiliutit ilanngaateqarsinnaallutik.

Inuit ilanngaateqartitsinani akileraartitsinerup pineqartut akileraarutitigut ilanngaateqanngillat, aammalu soraarnerussutisiaqalernissamut aaqjissuussinerit sulisitsisut akiligaat akileraaruteqaataassallutik.

Oqaasissat

Akilerartarnermut Akitsuusiisarnermullu ataatsimiittaliap isumalioqatigineqarnera

Ulloq 19. oktober 2010

Aallaqqaasiut

- Aallaqqaasiutigalugu oqaatigerusuppara ukiut qaninnerit uagutsinnut anner-tuumik allanngorfiussagunarmata. Uuliasiornermik aatsitassarsiornermillu ingerlatat nutaat, immaqalu aluminiumik aatsitsiviliornissaq uagutsinnut nutaa-nik suliakkiisussaassapput. Suliassat ilagaat akilerartarnermik aqqqissuussi-nerup pissutsinut nutaanut naleqqussakkap qulakkeerneqarnissaa.
- Ukiorpanni sungiusimajuarsimavarput sulisut tikerartuarlutillu aallarartuarnerat. Sulisut amerlanerpaartaasa nuttarneri Danmarkip Kalaallilu Nunaata akornan-ni pisimapput. Nuttarnrup taassuma akilerartarnermut oqartussaasutsinnit pisariikannersumik isumagineqarsinnaasimanera danskit akilerartarnermut oqartussaasu-nik pitsaalluinnartumik suleqateqarsimanermik pissuteqarpoq.
- Siunissami naatsorsuutigisariaqassavarput sulisut avataaneersut amerliartuin-nartut nunanit naalagaaffeqatigiinnerup avataaneersunit aggersuusarnissaat. Aamma sulisut avataaneersut ilaat tassaapput sulisut nuttartartut, tassa imaappoq suliassat malillugit atorfinitsinneqartartut, sularisinnaasaallu naa-pertorlugit nunarsuarmi sumiluunniit sulisussarsiarineqarlutik nuuttartut.
- Akilerartarnermi maleruagassat inunnut taakkununga naleqquttumik allan-ngortinneqanngippata akilerartarnermi oqartussaasut allaffissornikkut sulias-saat ajornakusoortorujussuanngussapput.
- Aamma sulisut taakku maleruagassat naapertorlugit akileraaruserneqarnis-saat akilerartarnermi oqartussaasunit qulakkeeruminaatsinneqartorujussuus-saaq. Oqartussaasummi qanoq iliorlutik Canadami aningaaseriviit ernialius-saat pillugit, Kinami soraarnerussutisiaqalernissamut aqqqissuussinernit ilua-naarutit annertussusii pillugit imaluunniit Ukrainemi qitornanut akilersuutit aki-lerneqarsimasut pillugit paasissutissat pissarsiarissagamikkik. Akilerartarner-mi oqartussaasut maleruagassat atuuttut naapertorlugit eqqortumik akileraaru-siisoqarnissaa qulakkiissappassuk paasissutissat taamaattut tamarmik pisaria-qartinneqassapput.
- Maleruagassat pissusiviusunut naapertuutivinngitsut atoqqullugit akilerartar-nermi oqartussaasut suleqqugalarutsigit sumut iluaqutaassagami. Inatsisini maleruagassat ilaanneeriarlutik taamaattarput, kisiannili Kalaallit Nunaata siu-nissami aningaasarsiornikkut ineriartornissaanut pingaaruteqarnerpaajussagu-nartut oqaluuserinerini taamaaliornissaq silatusaarnerussanngilaq.
- Ilanngaateqartitsinani akilerartitsinermik aqqqissuussinerup siunnersuutigine-qartup qulakkiissavaa akilerartarnermi allaffissorneq pisariinnerusoq, ilutigiti-lugulu aamma maleruagassat pissusiviusuni atorneqarsinnaanerullutillu malin-neqarsinnaanerussapput.

Assigiinngisitsineq

- Ilanngaateqartitsinani akilerartitsinermik aqqqissuussinerup immikkoorutigin-ngilaa assigiinngisitsineq. Akilerartarnermik aqqqissuussineq maanna atugar-put assigiinngisitsinermik aamma nassataqarpoq. Amerlasuutigummi inuit

marluk akileraarutit ilanngaatigineqartinnagit assigiimmik akissarsiallit akileraarutit ilanngaatigineqareerneranni tigusagaat assigiinneq ajorput. Kommune-
mut sumut akileraartuunerput apeqqutaatillugu procentit akileraarutigisakkavut
assigiinngitsuupput. Inuit ilaat ernianut annertuunik ilanngaateqartarput, allalli
aamma erniatigut annertuunik isertitaqartarlutik. Ilaat soraarnerussutisiaqaler-
nissamut namminerisamik aaqqissuussinernut akiliutiminnik akileraarutitigut
ilanngaateqartarput, allalli taamaagatik il.il.

- Ilangaateqartitsinani akileraartitsinermik aaqqissuussinerup immikkoorutaa
tassaavoq sulisunut avataaneersunut aalajangersimasunut atuuttuunini. Inuup
ilanngaateqartinneqarani akileraartinneqartup inummit akileraartarnermi male-
ruagassat nalinginnaasut malillugit akileraartinneqartumit pitsaanagerusumik atu-
gaqartinneqarneranik oqartoqassappat, inuit taakku marluk qanoq annertutigi-
sunik akissarsiaqarnerat aammalu inuup maleruagassat nalinginnaasut naa-
pertorlugit akileraarutitik akiliisartup namminerisamik aningaasaqarnerminik
qanoq aaqqiisimanagera apeqqutaassapput.

Allaffissorneq

- Akileraartarnermik aaqqissuussinerup nalinginnaasup tunngavigaa akileraar-
tartut akileraartarnermilu oqartussaasut akuttunngitsumik annertuumillu atta-
veqatigiittarnerat. Siumoortumik nalunaarsuisoqartussaavoq, skattekortit sulia-
rineqartussaapput, nammineerluni nalunaarsuiffiit nassiussorneqartussaapput
immersoriarlugillu utertinneqartussaallutik, nammineerluni nalunaarsukkat mi-
sissorneqartussaapput tassungalu atatillugu uppersarsaatit il.il. piniarneqar-
tussaallutik, illua t'ungerisat tusarniarneqartussaapput, inaarutaasumik naat-
sorsuineq nassiunneqartussaavoq aammalu akileraarutit sippuutaat utertinne-
qartussaapput imaluunniit akileraarutitut tapiutissat akiligassiissutigineqartus-
saallutik kiisalu aamma ilaannikkut kukkunersuisoqartartussaalluni il.il.
- Suliasat tamakku amerlanerpaartaat ilanngaateqartitsinani akileraartitsinikkut
pisariaarutissapput.
- Akileraartartut matumani pineqartut amerlanertigut sivisuumik Kalaallit Nu-
naanniittartussaannngillat. Taamaammat akileraartarnermi oqartussaasut akile-
raartartut nunamit aallareersut attaviginiartartussaassavaat, tamannalu misilit-
tagaareersut takutereerpaat ajornakusoortuussasoq ilaatigullu aamma ani-
ngaasartuuterpassuaqarfiussasoq. Assersuutigalugu akileraartartumut ataatsi-
mut Canadami najugaqartumut akileraarutit sippuutaannik tunniussinissamut
atatillugu aningaaserivimmu akiliutit, suliamut atatillugu piffissap atukkap il.il.
pinerit tamaasa 2.500 kr.-it missinginik akeqartarnissaa Akileraartarnermut
Aqutsisoqarfiup missiliuuppaa.

Procenti akileraarutissaq

- Tassunga aallaavigineqarpoq maannakkut imaammat akileraartartut 86 pro-
centiisa missingi aningaasarsiaqarmata akileraaruteqaataasussanik 350.000
kr.-inik taakkuninngaluunniit minnerusunik, 14 procentingajaalu 350.000 kr.-it
sinnerlugit aningaasarsiaqarlutik akileraaruteqaataasussanik.

Aningaasarsiat agguarsimanagerattut naatsorsuutigisat

- Uuliasiornerup aluminiumillu suliaqarnerup iluanni akissarsiat qanoq annertutigineri maannangaaq erseqqissumik oqaatigineqarsinnaanngillat, aatsitassarsi-orfinnili maannamut misilittagaasut takutippaat sulisuusut agguaqatigiissillugu ukiumut 250.000-350.000 kr.-inik aningaasarsiaqartut.

38 procent

- Ilanngaateqartitsinani akileraartitsinermi procentip 38-mik angissusilerneratigut kingunerisinnaasaasa suuneri maannakkorpiaq takussutissaatigineqanngillat allanilluunniit paasissutissaateqartoqarani.
- Procentimik 35-mit qaffasinnerusumik atuinissaq Naalakkersuisut peqataaffigisinnaavaat, sunali pillugu 38 procentimik toqqaanissaq tunngavissaasuanartinneqarpoq.

Akileraarutitigut ilanngaait

- Akileraarutitigut ilanngaatinik ilanngaateqartitsinnginnikkut akissarsiat naligiiffiat qaffasinnerulissaaq.

Aluminiumik aatsitsiviliornissami suliassat/nammagassat agguataarneqarnerat

- Isumaqatigiinniarnert suli ingerlanneqarmata erseqqinnerusumik eqqartornissaat eqqortuussanngilaq.
- Landskarsip aningaasaqarniarnerata ilungersunartuunera pissutigalugu qularutissaanngilluinnarpoq Namminersorlutik Oqartussat aluminiumik aatsitsiviliortoqassappat suliassanik isumaginnissinnaanissaat killilerujussuussasoq, tassa sanaartukkamut atatillugu akileraarutitigut isertitassat annertunersaat landskarsimut tutsinneqassanngippata.
- Siunissami sanaartugassat anginerit agguataarneqarnissaannut sunniutissat eqqoqqissaartut aalajangersassallugit siusippallaarpoq. Qularnaatsorli tassavoq landskarsip suliassanut taamaattunut aningaasartuutissanut annertunerusumik matussusiisinaanissaata allannguutitigut periarfissinneqarnissaa.
- Aluminiumik aatsitsiviliornissamisuulli aamma suliassani aalajangersimasuni agguataarinissat kommunip Namminersorlutillu Oqartussat kiisalu, ilaatigut suliffeqarfiup sanaartugassamik aningaasalersuereuttup akornanni isumaqatigiinniarnert sukumiinerusut apequtaassagunarput.